

Se cognoscer anter joegn de mendranza

Doi touses fascènes les à tout pèrt a n projet european de condivijion de esperienzes anter joegn residenc te lesc de mendranza linguistica. I é stac ence te Istitut e te Scola de Fascia

Mendranzes - Dai 17 ai 23 de november n grop de 25 touse se à troà a Vilazan de Trent per l projet "Shaping: Sharing good practices among minority groups" (che fossa, spartir bone pratèghe anter gropes de mendranza), metù a jir da l'Union Europeana e dal program Erasmus+.

A chest projet à tout part Serena Bevilacqua da Ciampedel, fora de scola auta l'an passà e Consuelo Tomasi da Poza, studenta a l'Università de Trent, per raprejentar la mendranza ladina.

Lé vegnù cà ence na touse da la Sardegna, n grop dai Paljes Basches e n grop de mendranza ucraina che vif te la Polonia.

Duc adum i se à binà te na ciasa a Vilazan olache se cognea se rangiar con dut, ence a se far da magnar e tegnir net.

Te la setemana del projet i touse i à podù rejonar de identità e de chel che vel dir aldidanché esser joegn che fasc part de na mendranza. I à podù spartir bone pratèghe per portar inant l valor identità e i à abù l met de rejonar de partezipazion ativa te la comunanza.

Lé stat enjignà prejentazion e cene a tema, bai de grop per cognoscer le

mendranze a na vida gustegola, e ence golousa. I à abù temp per se cognoscer, far amicitia, descorig Trent e i é rué ence te Fascia. Chiò i à vijità l'Istitut Cultural Ladin "majon di faseegn", la scola Ladina de Fascia, e valch picol cianton di paljes. Te Scola le professore Cristina Donei e Mattea Eccher ne à spiega coche l vegn durà l lengaz de mendranza fora per dute le scole, da le popolare enscin a le scole aute.

Duc i é stac contenc, ence de aer magnà n bon piat de polenta. (ct)



Duc ensema te n retrat de grop te Fascia.

Consuelo Tomasi

"Te chesta setemana é scontrà e cognosciù n muie de joegn che desche ge i é part de na mendranza. É podù veder coche i joegn amò ge tegn a sie mendranze e tradizion e chest me à dat gran gaissa. Lé stat n'ocajion per me meter en jech, pissar su me enstessa e su mi valores. É podù descorig che no dute le mendranze le é tutelade, aprijade e valorisade e che donca cognon vardar via chel che aon".

Serena Bevilacqua

"Lé stat n gran bel, aon rejonà duc ingleis anter de nos e aon fat n percors che ne à avert dalbon ence desche persones. Al scomenz su per n gran cartelon aon metù scrit colones che l'era noscia spetadives e noscia pources e te duc l'era chela de no se fèr ite, enveze a la fin sion doventé duc amisc e aon fat n beliscim grop.

Son restèda ence a sentir coche i vif la mendranza i joegn di Paljes Basches e i à spiegà che dut l'é mudà

canche l'é stat la ditatura de Franco che i li à oblighé a tor sù l spagnol, ma ic – i l'ha dît fora dret - i à declarà che i é dant de dut baschi. I se ofen béleche se te ge dis che i é spagnoi. Aon emparà n muie e se aon emprometù che no se perdaron. Chest'aiisciuda jiron en Sardegna e l'idea fossa ence chela de jir ti Paljes Baschi".

Conzert de Nadèl te la Pieif

En mèrtese ai 19 de dezember da les 20.30 te Pieif de Sèn Jan la Scola Ladina de Fascia envia duc a scutèr l Conzert de Nadèl. Ciantarà e sonarà studenc de la Scola de Fascia vidé dal professor Germano Basile. Duc i studenc, la families e la jent de Fascia la é envieda de cher a tor pèrt.

Duta la bonamars jirà per l projet de la Tera Sènta. Vegn fat a saer che te chisc dis al Marcià da Nadèl a Sèn Jan e te chel a Scola per Betlem, l'é stat tout sù 870,50 euro.



Te na setemèna l grop de joegn da duta Europa se à cognosciù di per di con jehes, magnères, bai, vijites a la zità e te Fascia.